



Inatsisartunut ilaasortaq Karl Lyberth, Siumut  
Uani

**Qanga Maniitsup eqqaani timmiaqarfinni timmissanik kisitsinerit  
ingerlanneqarnerinut apeqqut nr. 71-imut akissut?**

29. marts 2010  
j. nr. 2010-71  
Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@gh.gl  
www.nanoq.gl

Inatsisartut suleriaasianni § 36 imm. 1 naapertorlugu, Maniitsup eqqaani timmiaqarfinni timmissanik kisitsinerit ingerlanneqarsimanerinit tunngasunik apeqquteqaatinik saqqummiussisimavutit. Apeqquteqaatit uanga naalakkersuisoqarfinnut akisassanngorlugu innersuutigineqarpoq.

*1) Ukiuni 2003-mi 2009-milu ingerlanneqartuni Maniitsup eqqaani timmissanik kisitsinerit ulluni sorlarni ingerlanneqarpat?*

1-kkut) Maniitsup eqqaani timmissanik kisitsineq pillugu apeqqutinut ilanngussannut akissutitut Pinngortitaleriffik attavigineqarsimavoq makkuninngalu paasissutissiivoq:

”Maniitsup eqqaani timmiaqarfinnik nalunaarsuineq ingerlanneqarpoq ulluni 23. -25. juni 2009 aamma 20.-26. juli 2003.

2003-mi kisitsineq toqqaannartumik kisitsinerit ingerlanneqarpoq, 2009-mili kisitsineq annertunerusumik assiliissutit atorlugit ikiuteqarluni nalunaarsuinerit ingerlanneqarluni. Assiliilluni nalunaarsuinerup iluaqutaasa ilaat tassa, ornigulluni misissuineq sukkanerusumik ingerlanneqarsinnaammat, kisitsinerlu eqqornerusumik ingerlanneqarsinnaalluni, peqatigisaanillu kisitsinerit uppernarsaatit pissarsivigalugu. Taamaattorli periaaseq atortussanik sulisussanillu atuinerneruvoq, tassami assiliilluni kisitsinerit toqqaannartumik kisitsinermit sulinarnerummata.

Taateraaqarfinnik nalunaarsuinerit amerlanersaat timmissat imarmiut pillugit paasissutissanik katersuivimmut ilaasut juli-mi suliarineqarsimapput kisianni timmissat imarmiut pillugit paasissutissanik katersuivimmut ilaasut juni-mittaaq suliarineqartarput. Manniliorneq juunip naalernerani aallartittarmat, timmissat manniliortut tamarmik aappaaluunniit pisarnertut ullumiittarput.

Taateraank nalunaarsuinermit annertunerusumik periuseq atorneqartartoq taaneqartarpoq ” Apparently Occupied Nests”, tassa imaappoq. timmissat inaat inangikkat. Toqqaannartumik kisitsinermit manniliorerup naalernerani kisitsilluni iluaqutaasarpog, minnerpaamik timmissat piaqqiortut arlaat imaluunniit piaraq ataaseq ullumiinnerani, taamaasilluni piaqqiortut timmissat ulluminniinnerini nalunaarsomissaat ajornannginnerussammat. Ajornartorsiut aamma unaasinnaavoq, tassa piaqqiortut ulluminnik qimatsisimasut.

Ullut tiguarneqareersut amerlassusaat kisissallugit assiliilluni nalunaarsuineq periarfissaqarnerusarpoq, aammattaaq timmissat immaqa ulluminniingikkaluartut, tassami taateraata inaat atornerqartut timmissat anaata pissutigalugit assilissatigut ilisariuminarnerummata. GN-p nalilerpaa, taateraani kisitsinerit juunip naalerneraniit juulip naalernerinut ingerlanneqaraangamik assersuukkuminarnerujussuussasut, tassami piffissat taakku pineqartut marluk manniorfiusarmata.”

Inussiarnersumik inuulluaqqusilluta

Ane Hansen  
Aalisarnermut, Piniarnermut Nunalerinermullu Naalakkersuisoq